

ՊԱՏՍՈՒԹՅՈՒՆ, ՓԻԼԻՍՈՓԱՅՈՒԹՅՈՒՆ,
ՔԱՂԱՔԱԳԻՏՈՒԹՅՈՒՆ ԵՎ ՄԾԱԿՈՒՅԹ
(ИСТОРИЯ, ФИЛОСОФИЯ, ПОЛИТОЛОГИЯ И КУЛЬТУРА)

ԱՌԱՋԵԼԱԿԱՆ, ԲԱՅՑ ՈՉ ԴԱՎԱՆԱՓՈԽԻՉ
ԿԱԶՍԱԿԵՐՊՈՒԹՅՈՒՆԸ

ԱԾՈՏ ՀԱՅՐՈՒՆԻ

Երևանի «Մանց» համալսարանի
հայոց լեզվի և օտար լեզուների առարկաների ամբիոնի
դասախոս, ԲՀԳՄՍ ՀՄ ակադեմիկոս
պատմ. գիտ. դոկտոր, պրոֆ.,
բանասիր. գիտ. թեկնածու

Դր. Յոհ. Լեփսիոսի «Գերմանական առաքելություն արևել-
քում» ընկերության¹ (այսուհետ՝ ԳԱԱ) գործունեությունն, ի տար-
բերություն բարեգործական աշխատանքներ վարող այլ կազմա-
կերպությունների. Հայաստանում մշտապես մեծ սեր և համարուն
էր վայելում, չնայած այն բանին, որ որոշ կազմակերպություններ,
ոչ պակաս ներդրումներ և համապատասխանաբար նաև բարե-
գործական աշխատանքներ են իրականացրել: Դա բնականաբար
ուներ իր առանձնահատուկ դրդապատճառները:

Մյուս կազմակերպությունները, որպես կանոն, մարդասիրա-
կան աշխատանքներին զուգահեռ ծգություն էին հայ հոգևոր-մշա-
կութային կյանքում ձեռք բերել որոշակի ազդեցության ոլորտներ.
մասնավորապես թե որբանոցներում և թե բնակչության շրջանում
վարում էին նաև ակտիվ քարոզություն՝ ջանալով լուսավորչական
համայնքների ներսում ձևավորել նոր՝ բողոքական կամ կաթողիկ
համայնքներ. ինչն առաքելական եկեղեցու և համայնքների
կողմից սուր դիմադրության ու հակամարտությունների պատճառ
էր դառնում: Մինչդեռ Լեփսիոսն ու ԳԱԱ-ն, ինչպես դիպուկ
կերպով նշում էր ընկերության աշխատակից Ռիխարդ Շեֆերը,

իրենց ելակետը համարում էին ոչ թե ավետարանի քարոզումը, այլ «ավետարանի պահանջների իրագործումը» [4, էջ 27]:

Քանի որ ընկերությունն իր նյութական միջոցների զգայի մասը հայրայրում էր գերմանական բարեպաշտ շրջանների նվիրատվություններից, որոնք այդ խնդրի հանդեպ անտարբեր չէին կարող լինել, հակառակորդների կողմից ԳԱԱ-ի հանդեպ ոչ բարյացակամ հասարակական կարծիք ստեղծելու նպատակով նման «խայժի» օգտագործումը բացառելու և միաժամանակ քարոզիչների գործունեության վճասարար նշանակությունն ըստ հարկի պարզաբանելու նպատակով Լեփսիտուր հարկադրված էր պարբերաբար հետևողականորեն հիմնավորել քարոզության հարցում իր որդեգրած սկզբունքները: Նախ՝ քարոզիչների ձեռնարկումները ժամանակավեպ էին և հակասում էին օրվա հրատապ պահանջներին. «Քաղցածներին,- ընդգծում էր Լեփսիտուր.- ցրտից սառած և թալանված մարդկանց, որքերին և այրիներին, որոնք անպաշտպան կերպով նման անմիշբար և անհույս թշվառության են մատնվել, պետք է նախ ոչ թե ավետարանը տալ, այլ հաց, հագուստ և աշխատանք» [4, էջ 27]:

Մյուս կողմից, Արևելքում քարոզության՝ ավանդական և դոգմատիկ ընդունումները Լեփսիտուի համոզմամբ ինքնանպատակ էին և քննություն բռնել չեն կարող, քանի որ չէին նպաստում հավատի ամրապնդման կարևորագույն նպատակին: Դրանք անտեսում էին Արևելքի «Ներքին քարգացման» և հոգևոր-եկեղեցական կյանքի աշխատացման պահանջները, որոնք այլ և շատ ավելի համապարփակ էին, քան որևէ եկեղեցու տեսադրույթների մերկ քարոզությունն էր: Քարոզիչները պետք է մշտապես հիշեն, նշում էր Լեփսիտուր, որ Աստծո կողմից Արևելք են ուղարկվել ոչ թե որպես «որևէ դավանանքի կամ եկեղեցու սուրբանդակներ», այլ հանձնարարություն ունենալով քրիստոնյա եղբայրներին իրենց դժվարին ժամին միշիբարել և նեցուկ դառնալ խոսքով ու գործով: Այդ խոսքն ազդեցիկ դարձնելու, այն է Ավետարանն Արևելքում վերակենդանացնելու և քրիստոնյա եղբայրներին հավատ ու կորով ներշնչելու համար Լեփսիտուի համոզմամբ նախ անհրաժեշտ էր համագործակցության, փոխադարձ սիրո և

վստահության պայմաններում վերակենդանացնել և ամրապնդել հին քրիստոնյա եկեղեցիները:

Մինչդեռ քարոզիչների գործելակերպն, ընդիակառակը, խզելով այդ եկեղեցիների հետ համագործակցության բոլոր եզրերը՝ պառակտում և ջատում էր համայնքները: Հետևապես «Արևելքում կատարվելիք աշխատանքը,- ընդիանրացման կարգով նշում էր նա,- որին բոլոր մյուսներից առաջ կոչված է ավետարանական Գերմանիան, ոչ ավետարանականացման և ոչ էլ այդ ինաստով միսիոներական կարող է լինել: Այն պետք է լինի հոգևոր աշխատանք, որը իին եկեղեցիների կրթական և քրիստոնեական մակարդակը կրաքարցնի....: Միայն նա, ով պատմության մեջ Աստծո ճանապարհները չգիտի, կարող է հավատալ, թե անգլիական, ամերիկյան կամ գերմանական քրիստոնեության անգույն պատճենումը ինչ-որ ազդեցություն կարող է գործել Արևելքի ներքին զարգացման վրա» [4, էջ 27]:

Լեփսիտուի համոզմամբ, դա փաստարկում էր նաև ամերիկացի միսիոներների օրինակը, որոնց ուժերով Ավետարանի քարոզությունն արդեն հասել էր իր հնարավոր առավելագույն արդյունքին, և նոր քարոզությունը կարող էր վերածվել միայն անօգուտ մրցակցության: Այն չափով, որչափ գերմանացի բողոքականներն առնչվում էին ամերիկյան քարոզիչների հետ, նրանց փոխհարաբերությունը պետք է կրեր համագործակցական բնույթը, առանձնապես այն բնագավառներում, որտեղ դրանք կադրում էին: Այդ բնագավառներից կարևորագույնը Լեփսիտուր համարում էր ամերիկյան կրթության համակարգը, որի մերժական դրվածքը, նրա համոզմամբ, խիստ թերի էր, քանի որ օտարացնում էր քրիստոնյաներին սեփական ազգային արժեքներից:

Փաստորեն նրբորեն բացառելով քարոզության անհրաժեշտությունը, Լեփսիտուր միաժամանակ քննադատում էր այն բացառական հետևանքները, որ ուներ ամերիկյան քարոզիչների կրթահամակարգը՝ արևելյան քրիստոնյաներին օտարացնելով իրենց ազգային արժեքներից: «Արևելքում,- ընդիանրացման կարգով նշում էր Լեփսիտուր,- մեր աշխատանքում բոլոր պարագաներում պետք է խուսափել պրոպագանդայի որևէ փորձից կամ նույնիսկ միտումից և հրաժարվել քրիստոնյաների շրջանում

համայնքների ձևավորման՝ ցանկացած գործունեությունից. եթե մենք չենք կամենում ավելի քաղել, քան կառուցել:

Մեր աշխատանքը պետք է հին քրիստոնեական եկեղեցիների հանդեա, որտեղ նրանք դեռ գոյություն ունեն, լինի նույնքան անկեղծ և անկանխակալ, բարեկամական և օգնության պատրաստ, ինչպես բողոքական համայնքների հանդեա: Չանի որ մենք քարոյական իրավունք չունենք լուսավորչական ծնողների որբացած երեխաներին օտարացնել իրենց եկեղեցուց. նրանց հանդեա մեր առաջադրանքը սահմանափակվում է քրիստոնեական-քարոյական դաստիարակությամբ և ուսուցմամբ, որով մենք կարող ենք քրիստոնեության առաջադիմության համար ավելին անել քան ուղղակի քարոզությամբ»[2, էջ 6]:

Եեփսիոսի ընկերությունն իր երկարամյա գործունեության ընթացքում մշտապես հավատարիմ մնաց իր առաջնորդի գաղափարական սկզբունքներին: Այն հայության մեջ երբեք քարոզչական գործունեություն չծավալեց, այլ իր բոլոր հնարավորությունները ի սպաս դրեց հայ ժողովրդին և եկեղեցուն գորավիզ լինելուն: Ընդ որում ուշագրավ է, որ ընկերության՝ դրսի աշխատակիցների ոչ քարոզչական գործունեությունը պայմանավորված էր ոչ միայն այդ հարցում ԳԱԱ-ի որդեգրած դիրքորոշմամբ, այլև սեփական փորձառությամբ:

Ուսիհայի մասնաճյուղի աշխատակից Կարեն Յեպեն, օրինակ, միանշանակորեն անթույլատրելի էր համարում նաև կրոնական քարոզությունը լուսավորչական ծնողների երեխաների և հայ բնակչության շրջանում: Չաջ գիտակցելով հայ ժողովրդի համայնքման և ազգային ինքնության պահպանման հարցում առաքելական եկեղեցու ունեցած պատմական և այժմեական նշանակությունը՝ նա հասու էր նաև այն վնասակար հետևանքներին, որ ուներ քարոզիչների գործունեությունը: Յեպենի համոզմամբ այն առանձնապես կործանարար էր հայերի համար, որոնց ազգության և կրոնի ըմբռնումները այն աստիճան սերտ էին միահյուսված, որ մեկի կորուստը պատճառ էր դառնում նաև մյուսի կորստյանը: Այդ վկայում էր նաև Ուսիհայի լուսավորչական և բողոքական համայնքների օրինակը. «Բողոքական հայերը պոկվել են անցյալից և պատմությունից,- նշում էր Յեպեն,- նրանք նման են

բույսերի, որոնք դեռ խորը արմատներ չեն նետել: Ցանկացած հողմ նրանց պոկում և տանում է իր հետ: Հոգեբանական անառողջ այլակերպումները, որոնք հաճախ շողոքրոթության կերպարանը են ստանում, նրանց մեջ շատ ավելի մեծ ավերածություններ են գործում, քան լուսավորչականների...» [1, էջ 4]:

Մյուս կողմից, Յեպենի համոզմամբ, արևմտյան եկեղեցիները նաև քարոյական իրավունք չունեին հայ առաքելական եկեղեցուց հավատացյալներ կորցել, քանի որ վերջինս իրականում ոչ միայն «անշնչացած» չէր, ինչպես ընդունված էր կարծել Եվրոպայում, այլև նույնիսկ նորագույն շրջանում, անհավատալի ծանր պայմաններում կարողացել է դիմակայել և տուկալ, այլ կերպ ասած՝ ապացուցել իր կենսունակությունը և պատմության մեջ հաստատել իրեն: Թե անցյալում և թե նոր շրջանում այդ եկեղեցու հավատացյալները նահատակության այնպիսի օրինակներ են ցույց տվել, որպիսին այլ ժողովուրդների մեջ դեռ տեսնված չէր: Սի քննություն, որն, ըստ Յեպենի, իրենը՝ Եվրոպական եկեղեցիները դեռևս չին հանձնել: «Մենք իրավունք չունենք մոռանալ,- նշում էր նա,- որ հայերը քրիստոսի համար նահատակվում էն, երբ մենք դեռ մորքու մեջ փաթաթված՝ Օդինին կամ Թորին գոհեր էինք մատուցում: Եվ հավանաբար մենք պետք է մի փոքր ավելի զգույշ խոսենք «մեռած» լուսավորչական եկեղեցու մասին: Չանի որ նահատակները քրիստոնեական եկեղեցու ամենակենդանի զավակներն են: Ինչպե՞ս կարող էր մեռած մայրը այդպիսիներին աշխարհի բերել» [7, էջ 89]:

Հետևությունը, բնականաբար, մեկն էր. հայության համախմբման հարցում եկեղեցին ուներ խիստ կարևոր նշանակություն, որի պատճառով և ի շահ հայ ժողովրդի իրագործվող քարեգործական նախաձեռնությունների հիմքում պետք է առկա լիներ նաև նրա եկեղեցու ամրապնդման գծուում. հանգամանք, որ անհամատեղելի էր միաժամանակ և քարեգործությամբ և քարոզությամբ զբաղվող կազմակերպությունների գործունեությանը: Ընդ որում, Յեպեն այդ դիտարկում էր ոչ միայն մարդասիրական, այլև համաշխարհային քրիստոնեության շահերի տեսանկյունից: «Մենք, նշում էր նա, շարունակ քարոզիչներ ենք ուղարկել հեթանոսների մոտ: Մենք հառաջում ու հեծում ենք, որ խւամն այնքան շատ

քրիստոնյա համայքներ է կործանել, իսկ մի քրիստոնյա ժողովրդի, որն իր կրոնի համար պայքարել և տառապել է, թողել ենք, որ դանդաղ մահանա: Եթե մենք այդ ժողովրդին պաշտպանեինք և զորացնեինք, ապա այժմ կունենայինք մի ամուր ամրոց իսլամի դեմ» [1, էջ 8]:

Ինչպես Ուտհայում, Խոյի որբանոցում նույնապես երեխաների կրթությունն ու դաստիարակությունը կազմակերպվում էր հայ ազգային և եկեղեցական պանդույքների հիմքի վրա՝ գերծ քարոզության կամ դավանափոխության որևէ միտումից: Ընդ որում Խոյի աշխատակիցները և հաճախակի հանդես էին գալիս ծավալուն հրապարակումներով՝ ըստ ամենայնի հիմնավորելով հայ առաքելական եկեղեցու հավատացյալների և որբանոցի երեխաների շրջանում քարոզության իրականացման անթույլատրելիությունը: Այդ առումով առանձնապես բնութագրական է Դետվիզ ֆոն Օյրցենի 1903 թ-ին հրատարակված՝ «Մեր որք երեխաների եկեղեցական պատկանելությունը» հոդվածը, որտեղ նա խնդիրը դիտարկում էր ամենատարբեր տեսանկյուններից: «Գերմանական պետական օրենքները Գերմանիայում արգելում են կարողիկ ծննդների որբացած երեխաներին ավետարանական եկեղեցում դաստիարակել,- նշում էր նա,- որենն ինչո՞ւ պետք է այդ թույլատրելի լիմի հայ քրիստոնյաների որբերի հանդեպ: Առավել ևս, եթե այդ դեպքում երեխաները պետք է պատկանեն մի եկեղեցու, որի խնամքն ու հոգատարությունը հետագայում երեք չեն վայելելու: ԶԼ՝ որ Պարսկաստանում, ինչպես Արևելքի մյուս երկրներում, գերմանական ավետարանական եկեղեցի չկա, և նրանք կորրանան նաև եկեղեցու առումով» [3, էջ 177]:

Անշուշտ, այդ հարցի ամենապարզունակ պատասխանը կի-ներ այն, որ հարկավոր էր հիմնել ավետարանական եկեղեցիներ՝ դրանց համար պատրաստելով ուսուցիչներ և քահանաներ: Օյրցենի համոզմամբ, սակայն, այդ նույնապես արդարացի չէր լինի:

«Չնայած հայ առաքելական եկեղեցին կարծրացած է,- նշում էր նա այդ առքիվ,- և պահպանել ստորույքներ, ուսմունքներ և այլն, որոնց հետ մենք որպես ավետարանական քրիստոնյաներ չենք կարող համաձայնել, սակայն միթե՝ իրավունք ունենք որպես մրցակիցներ հանդես գալ նրա դեմ, որը, չնայած իր բոլոր

թուլություններին և հիվանդություններին, կոտորածների ժամանակ հազարավոր քրիստոնյա նահատակներ է ի հայտ բերել» [3, էջ 178]:

Այսպիսով, Օյրցենը, ինչպես Ուտհայում Յեպեն, ընդդիմանում էր հայ եկեղեցու «անկենդանության» վերաբերյալ գյություն ունեցող տեսակետներին, քանի որ անկենդան եկեղեցուց նահատակներ դուրս գալ չէին կարող: Ավելին, հայ եկեղեցու բարենորդության ձգումները, և այն հանգամանքը, որ հայ հոգևորականներից շատերն էին մեկնում Գերմանիա աստվածաբանություն ուսանելու համար, հուշում էին, որ այդ եկեղեցին ուներ վերանորդության նախադրյալներն ու անհրաժեշտ ներուժը և միջամտության կարիք չեր գգում [3, էջ 178]:

Բացի այդ, նշում էր Օյրցենը, այն ոչ միայն չի բռնանում խղճի ազատության վրա, այլև «անհավատայի համբերատար է» և նույնիսկ իր հավատացյալներին չի արգելում մասնակցել այլ եկեղեցիների ժամերգություններին, այնպես որ «առվորական անհատը, եթե նա մի քիչ քրիստոնեական համբերատարություն և սեր է սովորել, հայ առաքելական եկեղեցում ոչ միայն կարող է պահպանել իր ավետարանական հավատը, այլև գործել նրա համար» [3, էջ 181]:

Հետևապես, Օյրցենի համոզմամբ, սխալ էր որևէ եկեղեցու վերաբերյալ կարծիքներ կազմել՝ հենվելով միայն նրա արարողակարգի ձևային տարբերությունների վրա:

Նման ընկալումները կարող էին հանգեցնել թյուրիմացությունների, քանի որ «ձևերը և էությունը տարբեր իրողություններ են»:

Օյրցենն իր տեսակետները հիմնավորելու համար վկայակում էր Մ. Լութերին, որը, որքան էլ անողոք էր կարողիկ եկեղեցու նոլորությունների հանդեպ, այնուամենայնիվ պահպանեց հին կարողիկ եկեղեցու ուսմունքի և արարողակարգի բազմաթիվ տարբեր և այնքան ժամանակ հանդուրժեց դրանց գոյությունը, մինչև ինքնարերաբար դուրս կմղվեին: Նա իր տեսակետները հաստատում էր՝ վկայակոչելով նաև ամերիկացի քարոզիչների օրինակը, որոնց գործունեությունն այլ արդյունք չէր ունեցել, քան համայնքների պառակտումը²:

Ինչեւ, քանի որ Գերմանիայի զանազան շրջաններում հաճախակի դժգոհություններ էին ի հայտ գալիս այն առնչությամբ, որ Լեփսիուսի ընկերությունը կատարում էր բացառապես մարդաբանություն և ամեննին չէր գրադաւում հայկական կամ նույնիսկ մահմեդական շրջաններում ավետարանական քարոզության իրականացմամբ, այդ և նման մտայնությունների դեմ պայքարը մշտապես մնում էր ընկերության հրապարակախոսության օրակարգում:

«Որոշ շրջաններ.- տեղեկացվում էր պարբերականի մեկ այլ համարում,- որոնք միսիան առանց մկրտության և հերանուսների դարձերի չեն կարող պատկերացնել, արդեն այն տեսակետն են արտահայտել, որ Լեփսիուսի Առաքելության աշխատանքը միսիոներական ընկերության անվանումը չի վաստակում, այլ միայն մարդաբանության բնույթը ունի: ...Այսօր յուրաքանչյուր խելացի միսիայի կարգախոսը պետք է լինի ոչ թե նոր դավանափոխությունների կատարումը, այլ նրանց վերածեռքբերումը, որոնք մեր մեղքով կորել են, նրանց պահպանումը, որոնց սպառնում է կործանումը...» [6, էջ 4]:

Ավելին, «միսիայի» ավանդական ըմբռնումը Դր. Լեփսիուսի ԳԱԱ-ի համոզմամբ, այևս չէր համապատասխանում ժամանակի պահանջներին, և նույնիսկ մահմեդական շրջանների ավետարանականացման պահանջները, ընկերության համոզմամբ, ինքնանպատակ ու ժամանակավրեապ էին ու կշարունակեին լինել այնքան ժամանակ, քանի դեռ առկա էր հալածված և առևանգված քրիստոնյաներին մահմեդականացումից փրկելու գերխնդիրը: «Հավանաբար առաջին հայացքից օտարութի է թվում, որ մենք որպես ավետարանական միսիա մեր առաջարտանքը չենք համարում հայ ժողովրդի ներսում կամ հայ ժողովրդի՝ մեզ վաստակած երեխաների մեջ ավետարանական-եկեղեցական ուսմունքը ներմուծելը»:

Սակայն ավելի խորագին կշռադատման դեպքում պարզ կդառնա, որ միսիայի գաղափարը չի նշանակում քրիստոնյա հավատակիցներին մեկ այլ եկեղեցուց բերել սեփական եկեղեցին: ...Հայության փրկության գործը, որբերի խնամքն ու փրկագննան աշխատանքը հենց այն իմաստով է միսիոներական աշխատանքը:

որ արդեն գրավված տարածքը իւլամից դարձյալ խլվում է, և քացի այդ քրիստոնյա եկեղեցիների հյուծված անդամները ամրապնդվում են և քաջալերվում և ունակ դառնում դիմանալու»[5, էջ 71]:

Դր. Լեփսիուսի ԳԱԱ-ն իր ընորդիմախոսների մեղադրանքների սնանկությունը մշտապես փաստարկում էր հայ առաքելական եկեղեցու վերաբերյալ գոյություն ունեցող թյուր տեսակետների հերքման միջոցով՝ ի ցույց հանելով դրանց անհերեքությունն ու կանխակալությունը:

«Մենք միշտ հրաժարվել ենք հայոց հին եկեղեցին բողոքականացնել,- տեղեկացնում էր ընկերությունը 1929 թ-ին, - որովհետև իրավունք չունենք պառակտել մի քրիստոնյա եկեղեցու, որը պատմության մեջ հնագույնն է, այլ պետք է ծառայենք նրան: Հին եկեղեցիների բուլությունները մեզ, իհարկե, հայտնի են, ինչպես հայտնի է նաև այն, որ այդ «քույլ» եկեղեցին մեկ և կես հազարամյակ է, ինչ խլամի կենտրոնում դիմակայման և կենտրոնակության այնպիսի ուժ է ի հայտ բերել, որպիսի արևմտյան եկեղեցիները դեռ պետք է ապացուցեն: ...Մենք պարտավոր ենք ակնածանք տածել այդ փաստի հանդեպ»:

Լեփսիուսի ընկերությունը փաստորեն դարձավ այն միակ առաքելական կազմակերպությունը, որը հայկական շրջաններում ոչ միայն քարոզական գործունեություն չծավալեց, այլև մշտապես սուր և անզիջում գաղափարապայրար էր մղում քարոզության կողմնակիցների դեմ, և որի գործունեությունն այդ տեսանկյունից խիստ ուսանելի է նաև մեր ժամանակների համար:

¹ «Գերմանական առաքելություն արևելքում» (Deutsche Orient-Mission) կազմակերպությունը, դր. Յոհ. Լեփսիուսիկողմիցիմնվերվ 1895 թ. սեպտեմբերի 29-ին, շորջկես հայուրամյակ շարունակ համապարփակ փրկարար աշխատանքներ ծավալեց թե իր բնօրրանում գտնվող՝ վտանգված ժողովրդի. և թե այլ երկրներում հանգրվանած քազմահազար հայ փախստականների շրջանում:

Ստորև մենք կանդրադառնանք միայն քարոզության հարցի հանդեպ ընկերության դիրեգրած դիրքորոշման լուսաբաննանը:

² Վերոնշյալ դիրքորոշումն ընդհանրական էր ընկերության՝ ոչ միայն Ռուսայի և Խոյի, այլև Դիարբեքիրում, Թալասում և այլ շրջաններում գործող մասնաճյուղերի համար:

Օգտագործված գրականություն

1. Jeppe K. Das Waisenhaus in Urfa // „Der Christliche Orient“, 1909.
2. Lepsius J. Der Herausgeber an die Freunde unsrer Arbeit // „Der Christliche Orient“, 1900.
3. Oerzen D. von, Die kirchliche Stellung unserer Waisenkinder // „Der Christliche Orient“, 1903.
4. Schfer R. Geschichte der Deutschen Orient-Mission. Potsdam, 1932.
5. Schfer R. Werden die armenischen Kinder konfirmiert? // „Orient im Bild“, 1929.
6. Schneider Th. Karen Jeppe als Missionarin // „Orient im Bild“, 1929.
7. Sick I. M. Karen Jeppe im Kampf um ein Volk in Not. Stuttgart, 1929.

Аннотация

Ашот Айруни

Миссионерская, но не вероотступническая организация

Учрежденная и возглавляемая Др. Йоханнесом Лепсиусом организация «Германская миссия на Востоке» была единственной из ряда миссионерских организаций, осуществляющих деятельность в Армении, которая не только не занималась вероотступнической пропагандой, но и была категорически против такой пропаганды и в течение полувека бескорыстно посвящала себя делу спасения бедствующего армянского народа.

В статье освещается позиция организации относительно вопроса вероотступничества, что может быть поучительно для организаций, занимающихся миссионерской деятельностью и в наши дни.

